

অফিস আদেশ  
আপিল মামলা নং ০৪/২০২০

জনাব মো: তরিকুল ইসলাম, শ্রম পরিদর্শক (সাধারণ), উপমহাপরিদর্শকের কার্যালয়, কলকারখানা ও প্রতিষ্ঠান পরিদর্শন অধিদপ্তর, বরিশাল (বর্তমান কর্মস্থল উপমহাপরিদর্শকের কার্যালয়, ঢাকা)-এর বিরুদ্ধে কলকারখানা প্রতিষ্ঠান ও পরিদর্শন অধিদপ্তরের ৪৮ (আটচল্লিশ) জনের শ্রম পরিদর্শক (সাধারণ) পদ হতে এর সহকারী মহাপরিদর্শক (সাধারণ) পদে পদোন্নতি উদ্দেশ্যমূলকভাবে আটকে দেয়ার উদ্দেশ্যে বার্ষিক গোপনীয় প্রতিবেদন (এসিআর) জালিয়াতি, ফেসবুকে, মন্ত্রণালয়ের কর্মকর্তা, মাননীয় প্রতিমন্ত্রী এবং অধিদপ্তরের অনেক কর্মকর্তাগণের নামে অশোভন পোস্ট, লাইক, কमेंট ইত্যাদি বিদ্বেষমূলক কর্মকাণ্ডের অভিযোগের বিষয়ে প্রমাণিত হওয়ায় এবং অভিযুক্ত কর্মকর্তার বিরুদ্ধে রুজুকৃত বিভাগীয় মামলার লিখিত জবাব নিয়োগকারী কর্তৃপক্ষের নিকট প্রদান না করে আপিল কর্তৃপক্ষের নিকট জবাব প্রদান করায় কলকারখানা ও প্রতিষ্ঠান পরিদর্শন অধিদপ্তরের মহাপরিদর্শক কর্তৃক সরকারি কর্মচারী (শৃঙ্খলা ও আপিল) বিধিমালা, ২০১৮ এর বিধি ২(খ) অনুযায়ী অসদাচরণ এর অভিযোগে তাঁকে একই বিধিমালা ৪(২)(খ) অনুযায়ী লঘুদণ্ড হিসেবে ১২-০৭-২০২০ তারিখ থেকে পাঁচ বছরের পদোন্নতি স্থগিতের দন্ডদেশ প্রদান করা হয়। উক্ত আদেশের বিরুদ্ধে তিনি উর্ধ্বতন কর্তৃপক্ষ বরাবর ২৬-০৭-২০২০ তারিখ আপিল আবেদন দাখিল করেন। এর প্রেক্ষিতে ২৬-০১-২০২১ ও ২৬-০৯-২০২১ তারিখে তাঁর ব্যক্তিগত শুনানি গ্রহণ করা হয় এবং আদেশের জন্য ০২-০৩-২০২২ তারিখ ধার্য করা হয়।

জনাব মো: তরিকুল ইসলাম, শ্রম পরিদর্শক (সাধারণ), উপমহাপরিদর্শকের কার্যালয়, কলকারখানা ও প্রতিষ্ঠান পরিদর্শন অধিদপ্তর, বরিশালে কর্মরত আছেন। তার বিরুদ্ধে এসিআর ঘষামাজা ও জালিয়াতি, সংবাদ মাধ্যমে দপ্তর বিরোধী সংবাদ প্রকাশ এবং ফেসবুকে অশোভন পোস্ট প্রচার সংক্রান্তে যে অভিযোগ আনা হয়েছে উহাতে তিনি কোনো ভাবেই জড়িত নয় মর্মে লিখিত বক্তব্যে জানান। পরিশেষে তিনি সাম্য, মানবিক মর্যাদা ও ন্যায্যবিচার প্রার্থনা করেন এবং তার বিরুদ্ধে প্রদত্ত দন্ডদেশ বাতিল করে বিভাগীয় মামলা থেকে অব্যাহতির প্রার্থনাপূর্বক লিখিত বক্তব্য দাখিল করেন।

জনাব মোঃ মাছুম বিল্লাহ, আইন কর্মকর্তা বলেন যে, অভিযুক্ত কর্মকর্তার বিরুদ্ধে এসিআর জালিয়াতি এবং বিভিন্ন সংবাদপত্রে অধিদপ্তর ও মন্ত্রণালয় বিরোধী সংবাদ প্রকাশের বিরুদ্ধে ব্যবস্থা গ্রহণের নিমিত্ত কলকারখানা ও প্রতিষ্ঠান পরিদর্শন অধিদপ্তরের স্বাস্থ্য শাখার যুগ্মমহাপরিদর্শক (চ: দা:) জনাব ডা: মো: মোস্তাফিজুর রহমান ও তৎকালীন উপমহাপরিদর্শক (স্বাস্থ্য শাখা) জনাব মতিউর রহমান কর্তৃক দাখিলকৃত তদন্ত প্রতিবেদনের ভিত্তিতে আলোচ্য কর্মকর্তাকে অভিযুক্ত করে উল্লিখিত শাস্তি প্রদান করা হয়।

জনাব মো: তরিকুল ইসলাম, শ্রম পরিদর্শক (সাধারণ), উপমহাপরিদর্শকের কার্যালয়, কলকারখানা ও প্রতিষ্ঠান পরিদর্শন অধিদপ্তর, বরিশাল-এর বক্তব্য, লিখিত বক্তব্য এবং নহিসহ সংশ্লিষ্ট কাগজপত্রাদি ও পারিপার্শ্বিক অবস্থাদি পর্যালোচনায় সরকারী কর্মচারী (শৃঙ্খলা ও আপিল) বিধিমালা, ২০১৮ এর বিধি ৪(২)(খ) অনুযায়ী লঘুদণ্ড হিসেবে ইতোপূর্বে যে দন্ড প্রদান করা হয়েছে, তা মাত্রাতিরিক্ত মর্মে প্রতীয়মান হয়। তবে উল্লেখ্য যে, তিনি প্রথম কারণ দর্শানোর জবাব তার নিয়োগকারী কর্তৃপক্ষের নিকট প্রদান না করে সরাসরি আপিল কর্তৃপক্ষের নিকট জবাব প্রদান করেন যা সরকারি চাকুরি বিধির পরিপন্থি। ইহা একটি অপরাধ, তাই তিনি শাস্তি পাওয়ার যোগ্য।

জনাব মো: তরিকুল ইসলাম, শ্রম পরিদর্শক (সাধারণ), উপমহাপরিদর্শকের কার্যালয়, কলকারখানা ও প্রতিষ্ঠান পরিদর্শন অধিদপ্তর, বরিশাল-কে ১২-০৭-২০২০ তারিখের ৪০.০১.০০০০. ১০১.৩১.২৪৯.১৬-১৪১ নং আদেশের মাধ্যমে আরোপিত দন্ডদেশের বিষয়টি ছিল মাত্রাতিরিক্ত। এছাড়া তিনি নিয়োগকারী কর্তৃপক্ষের নিকট কারণ দর্শানোর জবাব প্রদান না করে আপিল কর্তৃপক্ষের নিকট জবাব দেয়ার বিষয়টি সরকারি চাকুরি বিধি বহির্ভূত।

উপর্যুক্ত বিষয়গুলোর সার্বিক বিবেচনায় জনাব মো: তরিকুল ইসলাম, শ্রম পরিদর্শক (সাধারণ), উপমহাপরিদর্শকের কার্যালয়, কলকারখানা ও প্রতিষ্ঠান পরিদর্শন অধিদপ্তর, বরিশাল-কে ১২-০৭-২০২০ তারিখের ৪০.০১.০০০০. ১০১.৩১.২৪৯.১৬-১৪১ নং আদেশের মাধ্যমে আরোপিত দন্ডদেশ মাত্রাতিরিক্ত হওয়ায় সরকারি কর্মচারী (শৃঙ্খলা ও আপীল) বিধিমালা, ২০১৮ এর আপিল নিষ্পত্তি বিধি ২১ এর (গ) অনুযায়ী ৫ বছরের পদোন্নতি স্থগিতের দন্ডদেশ কমিয়ে ২ (দুই) বছর স্থগিতের দন্ডদেশ আরোপ করা হল। যা ১২-০৭-২০২০ তারিখ হতে কার্যকর হবে। একই সাথে মামলাটি নিষ্পত্তি করা হল।

এ আদেশ অবিলম্বে কার্যকর হবে।

স্বাক্ষরিত/-

(মো: এহছানে এলাহী)

সচিব

শ্রম ও কর্মসংস্থান মন্ত্রণালয়

স্মারক নম্বর: ৪০.০০.০০০০.০২০.৩৮.০০৮.২০-১০২/(১০)

তারিখ: ১৭ ফাল্গুন, ১৪২৮ বঙ্গাব্দ  
০২ মার্চ, ২০২২ খ্রি:

সদয় অবগতি ও কার্যার্থে প্রেরণ করা হল:

- ১। মহাপরিদর্শক, কলকারখানা ও প্রতিষ্ঠান পরিদর্শন অধিদপ্তর, ঢাকা।
- ২। মাননীয় প্রতিমন্ত্রীর মহোদয়ের একান্ত সচিব, শ্রম ও কর্মসংস্থান মন্ত্রণালয় (মাননীয় প্রতিমন্ত্রী মহোদয়ের সদয় অবগতির জন্য)।
- ৩। সচিব মহোদয়ের একান্ত সচিব, শ্রম ও কর্মসংস্থান মন্ত্রণালয় (সচিব মহোদয়ের সদয় অবগতির জন্য)।
- ৪। সিস্টেম এনালিস্ট, শ্রম ও কর্মসংস্থান মন্ত্রণালয় (মন্ত্রণালয়ের ওয়েব সাইটে প্রকাশের অনুরোধসহ)।
- ৫। প্রধান হিসাবরক্ষণ কর্মকর্তা, শ্রম ও কর্মসংস্থান মন্ত্রণালয়, সিজিএ অফিস ভবন, সেগুনবাগিচা, ঢাকা।
- ৬। উপমহাপরিদর্শক, উপমহাপরিদর্শকের কার্যালয়, কলকারখানা ও প্রতিষ্ঠান পরিদর্শন অধিদপ্তর, বরিশাল/ঢাকা।
- ৭। অতিরিক্ত সচিব (প্রশাসন) এর ব্যক্তিগত কর্মকর্তা, শ্রম ও কর্মসংস্থান মন্ত্রণালয় (অতিরিক্ত সচিবের অবগতির জন্য)।
- ৮। যুগ্মসচিব (সংস্থাপন) এর ব্যক্তিগত কর্মকর্তা, শ্রম ও কর্মসংস্থান মন্ত্রণালয় (যুগ্মসচিবের অবগতির জন্য)।
- ৯। জনাব মো: তরিকুল ইসলাম, শ্রম পরিদর্শক (সাধারণ), উপমহাপরিদর্শকের কার্যালয়, কলকারখানা ও প্রতিষ্ঠান পরিদর্শন অধিদপ্তর, বরিশাল (বর্তমান কর্মস্থল উপমহাপরিদর্শকের কার্যালয়, ঢাকা)।
- ১০। অফিস কপি/গার্ড ফাইল।



(মো: হানিফ সিকদার)

উপসচিব

ফোন: +৮৮০২২২৩৩৫৭১৪০

[Section10@mole.gov.bd](mailto:Section10@mole.gov.bd)